

Хулоса чиқариш

Режа:

- 1. Хулоса чиқаришнинг умумий мантиқий тавсифи**
- 2. Хулоса чиқариш турлари:**
 - А) дедуктив хулоса чиқариш**
 - Б) индуктив хулоса чиқариш**
 - В) аналогия**

ХУЛОСА ЧИҚАРИШ

**БИР ВА УНДАН ОРТИҚ
ЧИН МУЛОҲАЗАЛАРДАН
МАЪЛУМ УСУЛЛАР
ЁРДАМИДА ЯНГИ
БИЛИМЛАРНИ КЕЛТИРИБ
ЧИҚАРИШДАН ИБОРАТ
ТАФАККУР ШАКЛИДИР.**

Инсон тафаккурининг асосий шаклларидан бир холоса чиқаришдир. Бир ёки бир неча ҳукмлар бошқа ҳукмни вужудга келтиришига холоса чиқариш дейилади. Ҳар қандай холоса чиқариш иккита таркибий қисмдан иборат:

- 1) Холосани вужудга келтирадиган ҳукмлар, яъни асослардан
- 2) Асослардан вужудга келадиган натижа холосадан иборат.

Холосанинг ҳақиқат бўлиши учун унинг асослари чин бўлмоғи, ҳукмлари эса мантиқий боғланган бўлиши керак. Холоса чиқаришнинг иккита асосий бевосита ва воситали холоса чиқариш тури бор. Холоса чиқаришнинг иккита бевосита холоса чиқариш деб холоса ёки натижанинг бир асосдан иборат бўлишига айтилади. Бу турдаги холоса чиқаришнинг қўйидаги шакллари мавжуд: мантиқий квадратга қараб холоса чиқариш; алмаштириш орқали холоса чиқариш; предикатга қарама- қарши қўйиш.

ХУЛОСА ЧИҚАРИШ ТАРКИБИ



ХУЛОСА ЧИҚАРИШ ТУРЛАРИ

ФИКРНИНГ ҲАРАКАТ
ЙҮНАЛИШИГА КҮРА
КҮРА

АСОСЛАР СОНИГА
КҮРА

ДЕДУКТИВ ХУЛОСА
ЧИҚАРИШ

ИНДУКТИВ ХУЛОСА
ЧИҚАРИШ

АНАЛОГИЯ

БЕВОСИТА ХУЛОСА
ЧИҚАРИШ

БИЛВОСИТА ХУЛОСА
ЧИҚАРИШ



2.А.Дедуктив хулоса чиқариш

Воситали хулоса чиқаришнинг энг муҳим турларидан бири дедуктив хулоса чиқаришdir. Уни логикада силлогизм (syllogism-a-грекча ҳисоблаш, ҳисобга олиш маъносини англатади) деб юритилади ва силлогизм икки ёки ундан кўп асослардан янги хулоса чиқаришни ифодалайди.

Силлогизмда учта хулоса чиқариш йўли бор:

1. умумийликдан хусусийликка Р қараб бориш
2. хусусийликдан умумийликка томон бориш
3. умумийдан умумийга томон бориш.

2 Силлогизм таркиби икки асос. Хулоса ва уч терминдан иборат. Мисол:

1. Ҳамма дараҳтлар кўп йил яшайди.
2. Арчаларнинг ҳамма тури - дараҳтлардир
3. Демак, арчалар кўп йил яшайди.

Мисолдаги биринчи ва иккинчи ҳукмлар силлогизм асослари, учинчи ҳукм эса хулосадир. Асослар катта ва кичик бўлиши мумкин, бу мисолда биринчи асос иккинчисидан катта. Чунки, «дараҳт» тушунчасидан «арча» тушунчаси кичик. Силлогизмда хулоса чиқариш учун хизмат қиласиган тушунчалар силлогизм терминлари дейилади. Улар учта: силлогизм хулосаларнинг кесими - катта термин, силлогизм хулосаларнинг эгаси (субъекти) кичик термин, икки асос учун умумий бўлиб хулосада учрамайдиган тушунча эса ўрта термин дейилади. Катта термин Р ҳарфи (subjektum эга), кичик термин S ҳарфи (subjektum-кесим) ва ўрта термин M ҳарфи (megins- ўрта ҳамма сўзлар лотинча) билан белгиланади. Юқоридаги мисолда «кўп йил» тушунчаси катта термин (Р) «арчалар» тушунчаси кичик термин (S) дараҳтлар тушунчаси эса ўрта термин (M) бўлади.

ДЕДУКТИВ ХУЛОСА ЧИҚАРИШ ТУРЛАРИ

БЕВОСИТА ХУЛОСА ЧИҚАРИШ –
БИР АСОСДАН МАЪЛУМ
УСУЛЛАР ОРҚАЛИ ЯНГИ ҲУКМ
ҲОСИЛ ҚИЛИШДИР

БИЛВОСИТА ХУЛОСА ЧИҚАРИШ ИККИ ВА
УНДАН ОРТИҚ АСОСЛАРДАН МАЪЛУМ
УСУЛЛАР ОРҚАЛИ ЯНГИ ҲУКМ ҲОСИЛ
ҚИЛИШДИР

АЙЛАНТИРИШ ОРҚАЛИ
ХУЛОСА ЧИҚАРИШ

ДЕДУКТИВ ХУЛОСА
ЧИҚАРИШ

АЛМАШТИРИШ ОРҚАЛИ
ХУЛОСА ЧИҚАРИШ

ИНДУКТИВ ХУЛОСА
ЧИҚАРИШ

ПРЕДИКАТГА ҚАРАМА –
ҚАРШИ ҚҮЙИШ ОРҚАЛИ
ХУЛОСА ЧИҚАРИШ

АНАЛОГИЯ ОРҚАЛИ
ХУЛОСА ЧИҚАРИШ

МАНТИҚИЙ КВАДРАТ ОРҚАЛИ
ХУЛОСА ЧИҚАРИШ

2.6.Индуктив хулоса чиқариш

Билимларимизнинг якка ва хусусийдан умумийга қараб боришини англатадиган хулоса чиқариш индуктив (лотинча – *inductio* - айримлиқдан умумийга) хулоса чиқариш деб аталади. Индукция тажрибавий кузатиш ва эксперимент билан боғлиқ, индуктив умумлаштириш бевосита текширилиши мумкин. Бу эса индуктив хулоса чиқаришни кенг қўлланишини таъминлайди, у классик ва ҳозирги замон табиатшунослигида амалда жуда кўп қўлланилади. Индуктив хулоса чиқаришниг тўлиқ ва тўлиқсиз шакллари мавжуд. Тўлиқ индукция бир грух - синф ёки турдаги нарса, ҳодисанинг ўхшаш белгисига қараб уларга тааллуқли умумийлик тўғрисида хулоса чиқаришдир. Тўлиқ индуктив хулоса чиқаришга эришиш учун бир жинсдан ҳамма предмет ва ҳодисаларнинг сонини аниқ билиш лозим. Бунда қуйидагича фикр юритилади.

Натрий селитраси сувда яхши эрийди.

Калий селитраси сувда яхши эрийди.

Аммиак селитраси сувда яхши эрийди.

Калций селитраси сувда яхши эрийди.

Натрий, калий, аммиак ва калций селитра буларнинг ҳаммаси маълум селитралардир. Ҳамма селитралар сувда яхши эрийди. У умумий хулоса ушбу синфга тегишли ҳамма жиҳатларини ўзида умумлаштирадиган бир нечта фикрлардан иборат бўлганлигидан у қатъий ҳукм сифатида намоён бўлади. Ҳақиқий асосларга кўра чиқарилган индуктив хулоса ишончли бўлади.

Логикада саволнинг 2 тури аниқловчи савол ва тўлдируви савол фарқ қилинади. Гипотеза бирор hypothesis сўзидан ташкил топган бўлиб, у асос фараз маъноларини беради. Гипотеза бирор объектив ҳодисанинг номаълум сабаби ҳақидаги фаразий, эҳтимоллик характеристидаги билим бўлиб, инсон билиш фаолиятининг муҳим воситаларидандир.

Гипотезанинг шаклланиши ва унинг илмий текширишда қўлланиш жараёни бир неча қисмга бўлинади.

1. Сабаби фанда намаълум бўлган ва уни илмнинг мавжуд воситалари билан тушунтириб бўлмайдиган ҳодисаларнинг кузатилишидир.

2. Бу сабаби номаълум ҳодисани унинг шарт - шароитлари, кўриниши билан илмнинг барча имкониятлари кўриниши билан илмнинг барча имкониятлари ёрдамида ҳар томонлама ўрганиш.

3. Мазкур ҳодисани юзага келтирган сабаблари ҳақида гипотеза, тахмин, фаразни олға суриш ва тўғри ифодалаб бериш.

4. Бу тахмин этилган сабабни келтириб чиқариши мумкин бўлган оқибат натижаларни белгилаш.

5. Бу оқибат натижаларнинг объектив реаллик фактларига мос келганлигини, уларнинг тўғри ифодаланишини текшириш ва аниқлаш.

Гипотезанинг юқорида баён қилинган бу тўрт асосий белгиси ҳар қандай гипотезанинг оддий таркибий боғланишлари ҳақида бошланғич маълумот беради. Шунга кўра, гипотеза таркибининг асосий элементлари қуидагиларидан иборат.

1. Гипотеза учун хизмат қиласиган бошланғич омиллар: кузатиш, эксперимент натижаси ва аниқ текширилган далиллар.

2. Бошланғич фактларни мантиқий ишлаб чиқиш таққолаш, анализ, синтез, умумлаш, абстракциялаш ва хулоса чиқариш.

3. Фараз, эҳтимоллик ҳукми - буюмлар ва улар орасидаги сабабий боғланишларни тушунитирадиган янги билим.

4. Фаразнинг ҳақиқатлигини аниқлайдиган текшириш.

Назария - билимнинг бирор соҳасига оид асосий ғоялар схемаси. Унда инсон тажрибаси, амалий ҳаёти умумлаштирилди табиат, жамият ва инсон тафаккурининг объектив қонуниятларини акс эттиради.

Ҳар бир назария жамият ҳаётининг аниқ даврида мавжуд бўлган билимлар, маълумотлар ва хусусиятларни умумлаштириш, системалаштириш доираси билан чекланган бўлади. Инсониятнинг билим доираси кенгайган ва чуқурлашган сари эски назариялар янги қатор кашф этилган қонуниятлар топилган маълумот ва хусиятларни тушунитириб бера олмайди ва янги назарияларга ўрин бўшатиб беради.

Масалан XIX аср 40-йилларда вужудга келган марксизм назарияси қанчалик мұкаммал бўлмасин XX аср ўртасига келиб ижтимоий ҳаёт ва ундаги турли ўзгаришларни тушунтириб беришга ожиз бўлиб қолди, ҳозирда эса узил-кесил инқирозга юз тутди.

Назариянинг бошланғич шакли гипотезадир. Амалиётда, амалий текшириш, ўрганиш жараёнида гипотезанинг тўғри хақиқат эканлиги исботланса, шу асосда янги назария юзага келиши мумкин. Назария асосан, илмий қонунларни умумлаштириш асосида юзага келган, янги илмий тадқиқотларга йўл кўрсатган. Уларнинг йўналишини аниқлашга ёрдам беради. Бу тадқиқотлар ўз навбатида янги қонуниятлар ва янги назарияларнинг шаклланишига олиб келади.

АНАЛОГИЯ

Аналогия (грек. – мослик, ўхашашлик) бавосита хulosса чиқаришнинг бир туридир. Дедуктив хulosса чиқаришда фикр умумийликдан жузъийликка қараб, индукцияда жузъийликдан умумийликка қараб ҳаракатланаса, аналогияда бир жузъий ҳолатдан бошқа жузъий ҳолатга қараб ҳаракатланади.

Аналогияда предметларнинг ўхашаш хоссаларига асосланиб хulosса чиқарилади. Табиат ва жамиятда объектив турли-туманлик билан бир қаторда, объектив ўхашашлик ҳам мавжуддир. Улар инсон онгидага ўз ифодасини топади. Объектив реалликнинг турли соҳаларига оид қонун ва қоидалар тузилиши жиҳатидан ўхашаш бўлса, улар акс эттирган воқеликдаги турли нарса ва ҳодисалар ҳам маълум маънода ўхашаш бўлади.

Аналогия бўйича хulosса чиқариш объектив реалликнинг чексиз кўринишлари ҳамда унда мавжуд бўлган турли системаларнинг хоссалари, муносабатлари, таркибларидаги ўхашашликларга асосланади. Масалан, сайёralар, давлатлар, ижтимоий тузумлар моҳиятида ўхашашлик бор. Билишда муҳим ва номуҳим хоссалар ўхашшлиги асосида аналогия бўйича хulosса чиқарилади.

ХУСУСИЯТЛАР ВА МУНОСАБАТЛАР АНАЛОГИЯСИ

Моделдан прототипга ўтказилаётган ахборотнинг табиатига кўра аналогиянниг икки тури фарқланади: хусусиятлар аналогияси ва муносабатлар аналогияси.

Хусусиятлар аналогиясида икки якка предметлар синфи ўхшаш белгиларга кўра ўзаро таққосланади. Ўхшаш белгиларга асосланиб, бирида мавжуд бўлган белгининг бошқасида ҳам бўлиши мумкинлиги ҳақида холоса чиқарилади. Масалан, Ер ва Қуёш қатор муҳим хоссаларига кўра ўхшашдир, яъни улар бир сайёralар тизимиға кирувчи осмон жисмларидир, иккиси ҳам ҳаракатда, кимёвий таркиби ҳам ўхшаш. Ана шу ўхшашликларга асосланиб олимлар Қуёшда топилган янги элемент – гелий Ерда ҳам бўлса керак, деган холосага келганлар. Аналогия йўли билан чиқарилган бу холосанинг чинлиги кўп ўтмай тасдиқланди – Ерда ҳам гелий элементи топилди.

Таянч тушунчалар:

- 1. Холоса чиқариш – бир ва ундан ортиқ чин муроҳазалардан маълум қоидалар ёрдамида янги билимларни келтириб чиқаришдан иборат бўлган тафаккур шаклига айтилади.**
- 2. Дедуктив холоса чиқариш – умумий билимдан жузъий билимга ўтишнинг мантиқий зарурий хусусиятга эгалигидир.**
- 3. Индуktiv холоса чиқариш – Билимларимизнинг якка ва хусусийдан умумийга қараб боришини англатадиган холоса чиқаришдир.**
- 4. Аналогия – (грек – мослик, ўхшашлик) бавосита холоса чиқаришнинг бир туридир.**

Такрорлаш учун саволлар:

- 1. Холоса чиқариш нима?**
- 2. Холоса чиқаришнинг қандай турлари мавжуд?**
- 3. Дедуктив холоса чиқаришнинг асосий хусусиятлари нималардан иборат?**
- 4. Индукиция ва тажриба ўзаро қандай алоқада?**
- 5. Аналогия бўйича холоса чиқаришнинг асосий хусусиятлари нималардан иборат?**

Мустақил таълим учун адабиётлар:

- 1. Ўзбекистон Республикаси Конституцияси. –Т.: «Ўзбекистон», 2003.**
- 2. Миллий истиқлол ғояси (Дарслик). –Т.: «Академия», 2005.**
- 3. М.Шарипов, Д.Файзихўжаева. Мантиқ. –Т.: ~.~улом нашриёти, 2004.**
- 4. Ивлев Ю.В. Логика. Учебник для вузов. –М.: Логос, 1998.**
- 5. Хайруллаев М., Хақбердиев М. Мантиқ. –Т.: «Ўқитувчи», 1993.**
- 6. Логика (ўқув қўлланма). –Т.: ТошДАУ, 1992.**
- 7. Фалсафа қомусий луғат. –Т.: «Шарқ», 2004.**